



老子道德經發蒙 下

□ 13  
3391  
2



13  
3301  
2



老子道德經發蒙下篇

大日本 淨業沙門俊國 著

加賀 釋大俊

同校

越前 藤怕龐

第三十八

上德不德。是以有德。下德不失德。是以無德。上德無  
為。而無以為。下德為之。而有以為。上仁為之。而無以  
為。上義為之。而有以為。上禮為之。而莫之應。則攘臂

老子道德經下篇

一

而扔之故失道而後德失德而後仁失仁而後義失  
義而後禮夫禮者忠信之薄而亂之首前識者道之  
華而愚之始是以大丈夫處其厚不居其薄處其實  
不居其華故去彼取此

上德之德應下失道之道道必有德對舉之互文也  
無以為者謂無意為為之而無以為者為仁而無意  
為也此有為而無為可謂鄰無為矣則攘臂而扔之  
謂令人強作禮之形容對後上禮以下德上仁上義

為前識者大丈夫稱道者言厚與實指道心薄以禮  
言華以下德上仁上義言去彼取此去下德上仁上  
義上禮之華薄取道心之厚實之謂

第三十九

昔之得一者天得一以清地得一以寧神得一以靈  
谷得一以盈萬物得一以生侯王得一以為天下貞  
其致之一也天無以清將恐裂地無以寧將恐發神  
無以靈將恐歇谷無以盈將恐竭萬物無以生將恐

滅候王無以貞而高貴將恐蹙故貴以賤為本高以下為基是以候王自稱孤寡不穀此其以賤為本邪非乎故致數車無車不欲珠玉落落如石

歇許竭反竭巨列反得一之一與後道生一之一同盈謂盈水致之一也言各致其清寧靈盈生貞乃同一也裂破也發與鑊同歇消止竭枯盡滅亡滅蹙顛仆也孤者不德之稱寡者少德之稱不穀不善之稱數車無車辟猶莊子曰除日無歲也言去庶人則莫

可稱王之名也珠珠難和貌其玉以譬貴者之不相大依傍其下也落落難合貌其石以喻賤者之不相親附其上也

第四十

反者道之動弱者道之用天下之物生於有有生於無

妙道之動辟如波之反覆故曰反者道之動也妙道之用辟如水之柔弱故曰弱者道之用也物者萬物

老子道藏 下篇  
也有指妙用言無指妙道言

第四十一

上士聞道勤而行之。中士聞道若存若亡。下士聞道大笑之。不笑不足以爲道。故建言有之。明道若昧。進道若退。夷道若類。上德若谷。太白若辱。廣德若不足。建德若偷。質真若渝。大方無隅。大器晚成。大音希聲。大象無形。道隱無名。夫惟道善貸且成。

建言謂古人所立之言。內明道者。外若昧。故曰明道。

若昧。下皆放此義。夷等也。類同塵之意也。大凡色皆性之德。故借太白喻道之德。谷者虛也。辱汚也。偷恐慎之意也。渝變也。所以去其文而見素也。四个大字皆以道言。希聲與前希言同。以上十二者乃顯道之所寓矣。建言止此。夫德有形。故顯有厥名。然道無形。故隱無厥名。故曰道隱無名。道分假其跡於物。令其成就。故曰善貸且成。

第四十二

老子元覽 下篇  
道生一。一生二。二生三。三生萬物。萬物負陰而抱陽。冲氣以為和。人之所惡。唯孤寡不穀。而王公以為稱。故物或損之而益。或益之而損。人之所教。我亦義教之。強梁者不得其死。吾將以為教父。

為和以上。乃言妙道生一理。一理生陰陽。陰陽生三極。三極既立。而後萬物生焉。萬物背陰腹陽。神氣以為和合而存生也。冲和也。既生之後。亦以此和為其用者。則能全其生矣。自唯至為稱。言損于王公之尊。

益于孤寡不穀之卑。以為自稱也。損有餘物而益不足物。故曰損之而益。益不足物而損有餘物。故曰益之而損。當知物皆以和為之用也。人則教和人也。吾我俱以學道者言。義教之者宜教和也。反和合之教。以強敢者不盡天年而死。故曰強梁者不得其死。尊稱教和人。謂之教父。

第四十三

天下之至柔。馳騁天下之至堅。無有入無間。是以知

無為之有益。不言之教。無為之益。天下希及之矣。  
騁丑領反。至柔水之屬。譬之無心。馳騁走也。至堅石  
之屬。喻之有心。無有即無形也。無間無縫罅也。希及  
之矣。亡逮乎不言之教。與無為之益也。

第四十四

名與身孰親。身與貨孰多。得與亡孰病。是以甚愛必  
大費。多藏必厚亡。知足不辱。知止不殆。可以長久。  
名與身孰親。言身豈不親於名乎。身與貨孰多。言貨

豈不多於身乎。得者得身之謂。亡者亡身之謂。孰問  
之辭。言亡豈不病於得乎。愛愛名也。費損也。藏蓄貨  
也。大言併名於身。厚言併身於貨也。知足貨之知足  
也。辱對榮之稱。知止者止愛名之謂。

第四十五

大成若缺。其用不敝。大盈若冲。其用不窮。大直若屈。  
大巧若拙。大辯若訥。躁勝寒。靜勝熱。清靜為天下正。  
五个大字。皆以道言。大成若缺。大成者外若虧。下皆

放是義。敵敗也。躁勝寒者。譬以勝。勝也。靜勝熱者。喻大無為勝。有為也。此章始發大人之外貌。未明保清靜大之道者。則為天下之正。

第四十六

天下有道。卻走馬以糞。天下無道。戎馬生於郊。罪莫大於可欲。禍莫大於不知足。咎莫大於欲得。故知足之足常足。咎其九反。卻與却同。退也。遽傳所用之馬之謂走馬。

糞治也。言退軍用之走馬。用之治田野也。戎馬軍馬也。郊兩國相交之竟也。言兵久不還。帝都也。咎者謂亦人之愆。得者得貨也。

第四十七

不出戶。知天下。不窺牖。見天道。其出彌遠。其知彌少。是以聖人不行而知。不見而名。不為而成。三個知字。謂知人情之知。窺小視也。國謂名者。屬名於物理也。不為而成。猶中庸曰無為而成也。



第四十八

為學日益。為道日損。損之又損。以至於無為。無為而無不為矣。故取天下者。常以無事。及其有事。不足以取天下。夫天不不食。敵且天。敵其出。其味。其心。天為有為之學。則日益。俗智將以誇於世。故曰為學日益。益為無為之道。則日損。俗智將以復於性。故曰為道日損。損之又損。謂損有事。又損有為。無事即無身之事也。有事對無事言。夫民之欲田。其田。其田。其田。

第四十九

聖人無常心。以百姓心為心。善者吾亦善之。不善者亦吾善之。得善矣。信者吾亦信之。不信者亦吾信之。得信矣。聖人之在天下。翕翕為天下。混其心。百姓皆注其耳目。聖人皆孩之。

翕呼及反。心無所主。故云無常心。以庶民心為聖人之心。故云以百姓心為心。善不善在彼。而我以善應。則所應之庶民。皆悉浴乎善德。而莫不化善。故善不

善俱善之得善矣。以至信不信亦然。四吾字指聖人。翁翁合貌。合聖人之心於天下之人情。是謂混其心。孩之謂以百姓如兒子。

第五十

出生入死。生之徒十有三。死之徒十有三。人之生。動之死地。亦十有三。夫何故。以其生生之厚。蓋聞善攝生者。陸行不遇兕虎。入軍不避甲兵。兕無所投其角。虎無所措其爪。兵無所容其刃。夫何故。以其無死地。

兕音似死。生辟如物之出入。故曰出生入死。神在身則生活。之謂生。之徒神去身。則枯殺之謂死。之徒徒猶類也。十有三。謂十人有三人動之死地。謂為求生之事。強動其心氣。反往于不得其死之地。生生之厚。謂養生之至極。攝生者。謂脫離死生之徒。兕野牛之屬。國按此章。竹書所謂用三歸法。而釋之。可夫。以三歸十得三十一。此三十一之一。雖幾歸焉。不能歸盡。故謂之不盡。可謂夫攝生者之無死地。亦猶此。不盡。

第五十一

道生之德畜之物形之勢成之是以萬物莫不尊道而貴德道之尊德之貴夫莫之命而常自然故道生之德畜之長之育之成之熟之養之覆之生而不有為而不恃長而不宰是謂玄德

覆去聲道生之謂道生物德畜之謂道之德畜物道必有德對舉之互文也物自生物故云物形之勢者謂凡有對自生而長自長而成自然之勢成就萬物

故云勢成之莫之命者莫命尊貴於物也生生萬物也畜猶畜生之畜也長遂形育字材成畢就熟變物養保和覆護傷也長首領也宰猶主也玄德謂道德

第五十二

天下有始以為天下之母既知其母復知其子既知其子守其母沒身不殆塞其兌閉其門終身不勤開其兌濟其事終身不救見小曰明守柔曰強用其光復歸其明無遺身殃是謂截常

兌音越。始即天地之始。母即萬物之母。塞其兌者。謂塞爲已。愛欲喜悅之所發。閉其門者。閉五管之門也。此見所以知其子。復守其母之法也。濟成也。濟其事者。謂成愛欲之事也。小與前。朴雖小之小同。自用至明。乃與後光而不耀。作照應已。戡常猶前章曰襲明。

第五十三

使我介然有知行於大道。唯施是畏。大道甚夷。而民好徑。朝甚除。田甚蕪。倉甚虛。服文彩。帶利劍。厭飲食。

資財有餘。是謂盜夸。非道也哉。

介音憂。食如字。夸苦華反。徑古定反。介然大貌。知者謂知大道。誇張曰施。好徑喻好有爲之小路。已朝王侯。朝廷也。甚太也。所以過其當也。除治也。所以治官殿也。倉者謂民之穀藏。夸奢也。

第五十四

善建者不拔。善抱者不脫。子孫以祭祀。不輟。脩之於身。其德乃真。脩之於家。其德乃餘。脩之於鄉。其德乃

長脩之於國其德乃豐脩之於天下其德乃普故以  
身觀身以家觀家以鄉觀鄉以國觀國以天下觀天  
下吾何以知天下之然哉以此

輟知劣反不建德而建焉可抽哉故云善建者不拔  
不抱道而抱焉可落哉故云善抱者不脫輟止也脩  
者謂為鍛冶善抱道於身者其德不假靡有拔故云  
脩之於身其德乃真下皆放此義以身觀身者謂以  
身脩道觀其德乎身下皆放此義吾指躰道者而言

以此由云以善建善抱也

第五十五

含德之厚比於赤子毒蟲不螫猛獸不據攫鳥不搏  
骨弱筋柔而握固未知牝牡之合而皦作精之至也  
終日號而不嗔和之至也知和曰常知常曰明益生  
曰祥心使氣曰強物壯則老謂之不道不道早已  
螫音釋攫音画握乙角反皦子垂反含包厚至此類  
也皦者謂兒子之陰作起也精之至也謂不強致腎

精而自然至。嗷聲乾也。兒子之氣無所乖戾之謂和。之至也。明者謂明道益生曰祥。欲益生反損。生然惑曰福也。心使氣曰強。已有勝心而使其氣則必強矣。強則人稱強者也。已止也。物壯以下說見第三十章。

第五十六

知者不言。言者不知。塞其兌。閉其門。挫其銳。解其紛。和其光。同其塵。是謂玄同。不可得而親。亦不可得而疎。不可得而利。亦不可得而害。不可得而貴。亦不可

得而賤。故為天下貴。

知者謂知大道者。抱一善應物。是謂玄同。上四其字。獨指自己。下二其字。蓋指自他皆是明知者之狀矣。

第五十七

以正治國。以奇用兵。以無事取天下。吾何以知其然哉。以此天下多忌諱。而民彌貧。民多利器。國家滋昏。人多技巧。奇物滋起。法令滋彰。盜賊多有。故聖人云。我無為而民自化。我好靜而民自正。我無事而民自

富我無欲而民自撲

人正謂正兵之正奇謂奇兵之奇吾我皆指道者言以此猶云以無事也忌諱者謂防禁利器者謂作便利之具技與伎通木匠之巧曰技巧奇物如桔槔機械等物是也法令謂法度以為教訓以德移民曰化

第五十八

其政悶悶其民醇醇其政察察其民缺缺禍兮福之所倚福兮禍之所伏孰知其極其無正邪正復為奇

善復為妖人之迷其日固久矣是以聖人方而不割廉而不剝直而不肆光而不耀

劇音貴悶悶不智貌醇醇自樂察察過詳缺缺不足貌倚者依物之旁之謂伏者藏物之下之謂極極止也其無正邪其無正定邪也奇奇兵妖妖人也迷謂人迷禍福之間割削也不劇不傷也肆伸也

第五十九

治人事天莫若嗇夫惟嗇是謂早服早服謂之重積

德重積德則無不克無不克則莫知其極莫知其極  
可以有國有國之母可以長久是謂深根固蒂長生  
久視之道

事天謂奉天道畜者農夫也喻之所以去人心之草  
取道心之穀者已頓歸乎道心是謂早服克能也極  
極止也母者指道者言有保也道與上母同旨

第六十

治大國若烹小鮮以道莅天下其鬼不神非其鬼不

神其神不傷人非其神不傷人聖人亦不傷夫兩不  
相傷故德交歸焉

烹普庚反莅音利及烹小魚用魁婁攪則必碎焉是  
用不敢為攪也其無為治國亦然故曰治大國若烹  
小鮮莅治也鬼神謂陰陽地主於陰不傷於陽故曰  
其鬼不神不特地為然故曰非其鬼不神國謂其神  
不傷人者兼鬼於神又兼聖於人也故下聖人亦兼  
人言鬼與神其實一聖與人亦實一也其一與一不



相侵越故曰兩不相傷。各以道之德。神歸于人。人歸于神。故云德交歸焉。

第六十一

大國者下流。天下之交。天下之牝。牝常以靜勝牡。以靜為下。故大國以下小國。則取小國。小國以下大國。則取大國。故或下以取。或下而取。大國不過欲兼畜人。小國不過欲入事人。夫兩者各得其所。欲大者宜為下。

大國者若大海。小國者若衆流。其併吞衆流者必下衆流而居矣。故曰大國者下流。交者交會也。以大取小。曰以取。以小取大。曰而取。畜養也。

第六十二

道者萬物之奧。善人之寶。不善人之所保。美言可以市。尊行可以加。人之不善何棄之有。故立天子置三公。雖有拱璧以先駟馬。不如坐進此道。古之所以貴此道者何也。不曰求以得。有罪以免耶。故為天下

貴

奧於到反內也。曖也。故以道喻奧已。雖不知道者。自  
 市。依道保其身而居矣。故曰不善人之所保。吾美其言。  
 則人多聚。市場故曰美言可以市。吾尊其行。則人推  
 加其上。故曰尊行可以加。人如上二句。蓋雖不知道  
 者。而明有知。為美美而尊尊者也。立天子。置三公。將  
 以道救人也。拱壁幣玉也。有拱壁以先駟馬。聘賢之  
 禮也。求以得者。謂求道以得道。

不難 第六十三

為無為事。無事味無味。大小多少。報怨以德。圖難於  
 其易。為大於其細。天下難事。必作於易。天下大事。必  
 作於細。是以聖人終不為大。故能成其大。夫輕諾必  
 寡信。多易必多難。是以聖人猶難之。故終無難。  
 未諾。都各反。為無為。對為有為。言下皆放此義。報怨以  
 德。猶云復讐。以恩圖謀。作起諾答也。多以易成。處事  
 者多。至於難成。故曰多易必多難。難之謂以易為難。

第六十四

其安易持其未兆易謀其脆易破其微易散為之於  
 未有治之於未亂合抱之木生於毫末九層之臺起  
 于累土千里之行始于足下為者敗之執者失之聖  
 人無為故無敗無執故無失民之從事常於幾成而  
 敗之慎終如始則無敗事是以聖人欲不欲不貴難  
 得之貨學不學復衆人之所過以輔萬物之自然而  
 不敢為

六十三

其安易持對其危難持言下皆放是義兆者謂事先  
 見小失易斷曰脆事必為於未有之先故云為之於  
 未有治必謀未亂之始故云治之於未亂為者之為  
 猶治也後放此不欲猶無欲不學猶無學也復者謂  
 反欲與學輔者作于己之輔佐也

第六十五

古之善為道者非以明民將以愚之民之難治以其  
 智多故以智治國國之賊不以智治國國之福知此

兩者亦楷式常知楷式是謂玄德玄德深矣遠矣與物反矣乃至於大順

為道猶治道也明智也言有心也愚昧也言無心也賊猶禍也此兩者謂智與不智楷式猶規模也與物反者與俗物相反之謂大順即自然也

第六十六

江海所以能為百谷王者以其善下之故能為百谷王是以聖人欲上民必以言下之欲先民必以身後

之是以聖人處上而民不重處前而民不害是以天下樂推而不厭以其不爭故天下莫能與之爭樂去聲厭於葉反以其善下之猶云以其善下百谷也以言下之者自稱孤寡不穀而下庶民之謂欲進之而不抑止之謂樂推而不厭

第六十七

天下皆為我道大似不肖夫惟大故似不肖若肖久矣其細也夫我有三寶持而寶之一曰慈二曰儉三

曰不敢為天下先。慈故能勇，儉故能廣，不敢為天下先，故能成器長。今舍慈且勇，舍儉且廣，舍後且先，死矣。夫慈以戰則勝，以守則固。天將救之，以慈衛之。其道巨大不可得而象，故曰大似不肖。其道細小可得而象者，則流乎世。其日既久，故曰若肖，久矣。細也。夫嘆其小矣，慈去甚，儉去奢，後去泰也。勇強也，廣謂濟物之廣。九謂成形，射者之首領曰成，器長死矣，謂不盡天年而死，接物而動之，謂戰衛之謂護己身。

第六十八

善為士者不武，善戰者不怒，善勝敵者不與，善用兵者為之下，是謂不爭之德。是謂用人之力，是謂配天古之極。

第六十九

用兵有言：吾不敢為主而為客，不敢進寸而退尺，是

謂行無行。攘無臂。扔無敵。執無兵。禍莫大於輕敵。輕敵幾喪吾寶。故抗兵相加。哀者勝矣。

抗可浪反。以不行為行之謂行無行。下皆放此義。攘揭也。扔引敵也。執取兵也。兵家言蓋止此幾喪吾寶。古近失吾慈寶也。抗舉也。

第七十

吾言甚易知。甚易行。天下莫能知。莫能行。言有宗。事有君。夫惟無知。是以不我知。知我者希。則我貴矣。是以聖人被褐懷玉。

以聖人被褐懷玉

吾我皆指道者。莫能行以上。乃是嘆時之不知道者也。無知者。謂俗人無知。我言事識得見。素抱朴之我者。希則我尚矣。故曰。是以不我知。知我者。希則我貴矣。褐賤者所服也。宗君玉皆指性一也。

第七十一

知不知。上不知。知病。夫惟病。病是以不病。聖人不病。以其病。病是以不病。

知物之理而不容心於其知者。即是尚矣。故曰：知不知。知上不知物之理而為知者。即是病矣。故曰：不知知。病病者。病不知而為知之病也。

第七十二

民不畏威。大威至矣。無狹其所居。無厭其所生。夫惟不厭。是以不厭。是以聖人自知不自見。自愛不自貴。故去彼取此。

威謂君父之威。大威謂天誅。無狹其所居。勿陬自所。

居之地。無厭其所生。勿厭自所生之俗也。夫至不厭。乃言弗自厭。則他亦不厭也。自知玄覽而不以私見。故云自知不自見。自愛其身。不自貴其身。故云自愛不自貴。去彼取此。去陬厭之心。取道心之謂。

第七十三

勇於敢則殺。勇於不敢則活。此兩者或利或害。天之所惡孰知其故。是以聖人猶難之。天之道不爭而善勝。不言而善應。不召而自來。坦然而善謀。天網恢恢。

疎而不失

敢強敢也。勇於敢則天害之。故曰勇於敢則殺。勇於不敢則天利之。故曰勇於不敢則活。難之者難能之謂坦平也。恢恢大貌。疎對密之稱。不失者謂不遺漏。

第七十四

民不畏死奈何以死懼之。若使民常畏死而為奇者吾得執而殺之。孰敢常有司殺者殺夫代司殺者殺是謂代大匠斲。夫代大匠斲者希有不傷其手矣。

斲竹角反。奇與前以奇之奇同人。主以暴則民何厭死。故曰民不畏死吾指代司殺者殺者言殺之謂殺其為奇者敢與前勇於敢之敢同人。主以仁則民何不厭死。故曰孰敢司殺者蓋以天言斲斫希無也。

第七十五

民之饑以其上食稅之多是。以饑民之難治以其上之有為是以難治。民之輕死以其上求生之厚是以輕死。夫惟無以生為者是賢於貴生。



稅租也。之有為者，謂往有智上以有智導民，民亦以有智應之而爭畢，以至於亂，故云難治。輕死對重死，言求生猶前章曰益生賢猶勝也。貴生者重生之謂。

第七十六

人之生也柔弱，其死也堅強。萬物草木之生也柔脆，其死也枯槁。故堅強者死之徒，柔弱生之徒。是以兵強則不勝，木強則共。強大處下，柔弱處上。共之為言向也。衆圍所以向伐也。木幹雖強大，賤而

居下位，故云強大處下。木枝雖柔弱，貴而居上位，故王云柔弱處上。

第七十七

天之道其猶張弓乎？高者抑之，下者舉之，有餘者損之，不足者補之。天之道損有餘而補不足，人之道則不然，損不足以奉有餘，孰能有餘以奉天下？唯有道者是以聖人為而不恃，功成而不處，其不欲見賢邪？高者至補之，乃言弓施之弦則抑所高之弣而舉所

下之弣屈有餘之弓而伸不足之弦也為慈於天下而不賴其慈故曰為而不恃見示也

### 第七十八

天下莫柔弱於水而攻堅強者莫之能勝其無以易之也弱之勝強柔之勝剛天下莫不知莫能行故聖人云受國之垢是謂社稷主受國之不祥是謂天下王正言如反

易換也自上受清福者則居下矣自下受濁禍者則

居上矣古者建國先立社稷故有國之君謂之社稷主聖人之言如反于世人之言故云正言如反

### 第七十九

和大怨必有餘怨安可以為善是以聖人執左契而不責於人有德司契無德司徹天道無親常與善人契券也左契所以與者也責求也聖人司左契故云有德司契俗人以明白為主故云無德司徹徹明也國謂司契者無心也奚有執怨哉司徹者有心也奚

無執怨哉慈愛之心曰親與善人猶前章曰與善仁

第八十

小國寡民使有什佰之器而不用使民重死而不遠徙雖有舟輿無所乘之雖有甲兵無所陳之使民復結繩而用之甘其食美其服安其居樂其俗鄰國相望雞狗之聲相聞民至老死不相往來

樂音落十人為什百人為佰其食器之數亦必共之而運載為故云什佰之器老子固欲復古故云結繩

而用之雞鳴以時狗守以吠故人畜諸家矣國謂小國寡民猶是而况於大國衆民乎意自見言外

第八十一


信言不美美言不信善者不辯辯者不善知者不博博者不知聖人不積既以為人已愈有既以與人已愈多天之道利而不害聖人之道為而不爭

善者謂用道者辯者謂反不言者知者謂知道者博者謂博學者曰不積則不儲蓄也利人而已弥有利

故曰既以爲人己愈有所有之物雖以奉天下而已  
 弥多故曰既以與人己愈多

老子道德經發蒙下篇終


配極玄  
 都閔憑  
 高禁蘄長  
 守祧嚴具禮  
 掌節鎮非常  
 碧瓦初寒外  
 金莖一氣旁  
 山河扶繡戶  
 日月近



東都相方定



彫梁仙李盤根大  
 荷蘭奕葉光世家  
 遺舊史道德仅今王  
 畫手看先輩吳生遠擅  
 場森羅移地軸妙絕動宮  
 墻五聖聯龍袞千官列雁行冕  
 旒俱秀發旌旆盡飛揚翠柏深留景紅梨迥得霜風箬  
 吹玉柱露井凍銀床身退卑周室經傳拱漢皇谷神如



不死養拙更何鄉

右襄陽杜子美冬日洛城北謁玄元皇帝廟卽所賦  
 詩而載在唐詩選中竊檢閱之字字句句若織若繡  
 縱橫密緻絢然盈目蚤莫每吟焉有自謁於其影殿  
 發誦金經之念所謂簡拔神駿者不亦爾乎越東都  
 畫工頃游本郡因併厝於詩意粗俾其圖焉以附錄  
 之卷末將欲備同志者之觀覽已

俊國識

附考

列仙傳 苦音古。腋通作掖。釋尊從右脇生。竺典曰降神母胎。從右脇生。毫音泊。湯所都也。濱賓通。俛俯通。籙錄通符。謂避火符。唯生符等之符。道圖圖從經說。雖為序次。然意在同時矣。一本觀者觀厥理之觀。而非觀厥物之觀矣。四本自挫至塵。略似字於每句上。而照乎上句。似字此。謂照略。八本自居至時。略上字於每善上。以上上善之上字。照為。十本載營魄抱一。

此舉一身而論之也。所謂東肝藏魂。西肺藏魄。南心藏神。北腎藏精。中脾藏營。於中言精則已。業屬形骸。是以換精以志矣。同釋雄猶王也。梵典曰得為三界雄。又曰大猛雄。世尊又全戰國七雄之雄。十三本辱為下之上。或略寵為上之一句。廿一本略形容句於真與其之際。蓋倒詁上竊兮。真兮而照此矣。廿七本自是以至棄物。恐有古之釋文。攙入於本文也。與哉。廿八本官。謂五官。孟子曰耳目之官。不思而蔽於物。

物交物則引之而已矣。同本大制見于武備志和名之謂能陀致同本不割不裂也。割爾雅曰裂也。疏云謂以刀裂之也。周禮註云肆解肉之謂割。竊以大道之所制皆不割而制為聖人之制。民亦猶是也。大制不割其斯之謂與。四十二本冲氣釋虎角謂乾坤未分之大道還是生佛本具之一心者是也。左傳曰人受天地之中以生。列子曰冲和氣者為人。孟子所謂浩然之氣云者亦豈謂是邪。同本義宜也。康誥曰王

義嗣德答拜。四十七本天道合九天與白黃赤之三。道而言之乎。韓子曰故天道亂而日月星辰不得其行。四十八本取者謂普取人之心。五十八本方而不割。豈謂仁乎。廉而不剝。豈謂義乎。直而不肆。則禮之謂乎。光而不耀。則智之謂乎。禮記曰君子比德於玉。為溫潤而澤。仁也。縝密而以栗。知也。廉而不剝。義也。垂之如隊。禮也。六十三本報怨以德。則仁也。禮記云子曰以德報怨。則寬身之仁也。七十本於甚易行上。

老子發蒙 附考

疑略事字矣七十本勇於敢謂北方之強勇於不敢謂南方之強勇猶云猛也

廟詩闕音祕籙音語禁苑也又折竹以繩挂連之俾

人不獲來往矣亦作籙御敷敷桃音挑守桃謂廟令

金莖一氣旁謂金莖高聳而鄰乎天一氣之側舊史

指司馬遷也道德謂理之躰用所謂道生一之一即

性性即德德即道此道即是動內形外亦謂之德故

隨其物殊德名矣老氏所謂道德蓋如此韓子曰吾

所謂道德云者合仁與義言之也孔氏所謂道德蓋

如此釋典曰勤行求道德德者謂理智悲之三德道

者謂出離生死之道釋氏所謂道德蓋如此參考各

所立之道德可以知其異也擅音善專也曰箠則借

之喻鈴曰柱則借之喻舌

右許多附考者何與既顧其所注尚有所遺漏是

故復屬後校補出其所遺漏者也嗟夫近世睹誦

斯經者槩服膺於字句上全不問指所存欲問指



所存獨在問道德以德為有以道為無所云有無  
雖異其名俱謂之玄玄也者天也天也者神也神  
也者妙也妙也者絕也適絕而幾矣復申之以詩  
曰聞道鴻濛團若蛋既閱經歷幾千年從來世世  
更生物首領者誰玄又玄因并書之簡端擬以詔  
於同好已矣文化六年龍集己巳孟冬之吉

國再識

老子道德經發蒙後序

上人所著老子發蒙刺成矣夫著述大  
業而古書注解最為難矣蓋老子微妙  
深遠雖古今窮學不能無河漢之感今  
觀其所著能提其要亦能鉤其玄曷如  
揭曰雖復淺學者得窺其真旨其功豈  
不偉哉茲書一出則世始知青牛之東

度已。上人名俊國字秀芳。加賀人也。余幸親炙。上人又與有此盛舉。欣躍之餘。竊有關尹之想。聊伸瑣言以跋去已已之春。

業而古書。南越晚學水野淵謹識。



古今解老子。以傳於世者。以慮數十家。要不越皮膚之際而已。頃者得雋罔上人之解。讀之。其提挈要領。開示秘蘊。未見如此之明。且盡者也。實千載未發之解。可謂徹乎其骨髓者也。此解之存天下。猶如老君之在世。然後欲學大道。由此進步。則曠若發其矐。曠若得

其津豈難造無爲之都哉請命之鏤梓  
公之於世叨染兔毫以爲之跋云  
文化己巳二月吉

越前後學 關守道謹題



古今翰墨子以軒故世皆以爲...  
謝國士人之翰墨之其...  
要不振其寶之將而...  
林盤未

文化七歲庚午八月

越前府中 齊藤善右衛門

皇都書林

葛西市郎兵衛  
今井喜兵衛

Handwritten notes at the bottom left corner.

